



BOSNIA AND HERZEGOVINA
Ministry of Human Rights and Refugees

Broj: JN-01-16-4-10-21/24

Datum: 29. 05. 2024. godine

Ministar za ljudska prava i izbjeglice BiH, na osnovu člana 55. Zakona o upravi („Službeni glasnik BiH“, broj 32/02 i 102/09), člana 64. stav (1) tačka b), člana 70. stav (1), (3) i (6), člana 88. i člana 89. Zakona o javnim nabavkama („Službeni glasnik BiH“, broj 39/14 i 59/22), na Preporuku Komisije za nabavke II, broj: JN-01-16-4-10-19/24 od 14. 5. 2024. godine, u postupku nabavke auto guma - usluge skladištenja, balansiranja i montiranja auto guma (lot2), donosi sljedeću:

ODLUKU

o izboru najpovoljnijeg ponuđača za nabavku usluga skladištenja, balansiranja i montiranja auto guma (lot2)

Član 1.

Prihvata se Preporuka Komisije za nabavke, broj: JN-01-16-4-10-19/24 od 14. 5. 2024. godine i Okvirni sporazum pružanju usluga skladištenja, balansiranja i montiranja auto guma (lot2) dodjeljuje se ponuđaču GUMA VP 200 d.o.o. Mostar, Bišće polje bb, 88 000 Mostar, ponuda broj: 178-04/24 VP od dana 3. 4. 2024. godine, za ponuđenu ukupnu vrijednost ponude sa popustom bez PDV-a od 2.720,00 KM, odnosno 3.182,40 KM sa PDV-om, kao najpovoljnijem ponuđaču.

Član 2.

Izabrani ponuđač GUMA VP 200 d.o.o. Mostar je dužan, u roku od 5 (pet) dana nakon što bude obaviješten od strane ugovornog organa o rezultatima postupka nabavke, dostaviti dokaze o kvalifikovanosti u skladu sa članom 45. stav (1) tačaka c) i d) ZJN.

Ukoliko izabarni ponuđač ne dostavi traženu dokumentaciju u određenom roku, ili je dostavi na nepropisan i nepotpun način, javna nabavka će biti poništena u skladu sa Zakonom o javnim nabavkama.

Ponuđač GUMA VP 200 d.o.o. Mostar je u okviru ponude dostavio dokaze iz člana 47. stav (1) tačka c) – pozitivan bilans uspjeha (račun dobiti i gubitka), ovjeren od strane nadležnog organa u skladu sa Izjavom o ispunjenosti uslova iz člana 47. stav (1) tačke c) i st. (4) ZJN.

Član 3.

Okvirni sporazum će se zaključiti sa izabranim ponuđačem na period od 1 (jedne) godine.

Član 4.

Ova odluka objavit će se na web stranici Ministarstva (www.mhrr.gov.ba), istovremeno sa upućivanjem ponuđaču koji je učestvovao u postupku javne nabavke, u skladu sa članom 70. stav (6) Zakona o javnim nabavkama.

Član 5.

Za izvršenje ove odluke se ovlašćuje i zadužuje Sektor za opšte, pravne poslove i finansijsko-materijalne poslove Ministarstva za ljudska prava i izbjeglice BiH.

Član 6.

Ova Odluka stupa na snagu danom donošenja.

O b r a z l o ž e n j e

Postupak javne nabavke pokrenut je Odlukom o pokretanju postupka nabavke auto guma, broj: JN-01-16-4-10-1/24 od 20. 3. 2024. Javna nabavka je provedena putem konkurentskog zatjeva za dostavu ponuda za nabavku usluge skladištenja, balansiranja i montiranja auto guma – lot2. Procijenjena vrijednost javne nabavke (lot2) je 3.000,00 KM bez PDV-a, odnosno 3.510,00 sa PDV-om. Obavještenje o nabavci, broj: 679-7-1-13-3-24/24, objavljeno dana 21. 3. 2024. godine, ispravka obavještenja o nabavci 679-7-1-13-8-31/24, objavljeno dana 26. 4. 2024. godine na Portalu javnih nabavki. Tenderska dokumentacija, broj: JN-01-16-4-10-2/24 od 21. 3. 2024. godine. Komisija za nabavke imenovana je Odlukom broj: 01-16-4-201-1/24 od 24. 1. 2024. godine i Odlukom o izmjeni Odluke o imenovanju Komisije za nabavke broj: 01-16-4-201-2/24 od 5. 2. 2024. godine;

Komisija za nabavke dostavila je ugovornom organu, ministru za ljudska prava i izbjeglice BiH, Zapisnik o pregledu i ocjeni ponuda, broj: JN-01-16-4-10-18/24 od 14. 5. 2024. godine, Preporuku o izboru najpovoljnijeg ponuđača, broj: JN-01-16-4-10-19/24 od 14. 5. 2024. godine i Izvještaj o radu, broj: JN-01-16-4-10-20/24 od 14. 5. 2024. godine, u postupku nabavke usluga skladištenja, balansiranja i montiranja auto guma (lot2).

U postupku, po Izvještaju o radu, utvrđeno je da je Komisija za nabavke blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da su u predmetnom postupku zaprimljene ukupno dvije (2) ponude;
- da su blagovremeno zaprimljene dvije (2) ponude;
da je ponuda ponuđača UNITRADE d.o.o. Ljubuški neprihvatljiva u skladu sa članom 2., stav (1), tačka 1) podtačka 2) Zakona o javnim nabavkama („Službeni glasnik BiH“, broj 39/14 i 59/22);
- da je ponuda ponuđača GUMA VP 200 d.o.o. Mostar kvalifikovana i prihvatljiva i da su dostavljeni svi traženi dokazi propisani Tenderskom dokumentacijom na propisan način.

UNITRADE d.o.o. Ljubuški

Svi članovi Komisije za nabavke prilikom ocjene ponude ponuđača UNITRADE d.o.o. Ljubuški, imaju jednoglasan stav da je ponuda neprihvatljiva iz razloga što je navedeni ponuđač u dostavljenoj ponudi naveo cijenu u ukupnom iznosu od 3.603,22 KM bez PDV-a, odnosno 4.215,88 sa PDV-om, dok u tenderskoj dokumentaciji procijenjena vrijednost javne nabavke bez PDV-a iznosi 3.000,00 KM, odnosno 3.510,00 sa PDV-om (član 2., tačka 1) podtačka 2), Zakona o javnim nabavkama „Službeni glasnik BiH“, broj 39/14 i 59/22).

Shodno navedenom, ponuda ponuđača UNITRADE d.o.o. Ljubuški se smatra neprihvatljivom jer ponuđena cijena prelazi planirana, odnosno osigurana novčana sredstva ugovornog organa za nabavku i ista se odbacuje u skladu sa članom 68. stav (4) tačka j), Zakona o javnim nabavkama („Službeni glasnik BiH“, broj 39/14 i 59/22).

U skladu sa Pravilnikom o uslovima i načinu korištenja e-aukcije u slučaju samo jedne prihvatljive ponude e-aukcija se ne može zakazati.

U postupku donošenja ove Odluke, posebno su cijenjene činjenice da je Komisija za nabavke pravilno i potpuno izvršila ocjenu kvalifikovanosti ponuđača i pregled i ocjenu ponude, u skladu sa kriterijima iz Tenderske dokumentacije.

U postupku ocjene provedenog postupka ministar za ljudska prava i izbjeglice BiH nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za nabavke.

Naime, u postupku je ocijenjeno da je Komisija za nabavke u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom.

Uvidom u priloženu dokumentaciju, nesporno je da je izabrani ponuđač najbolje ocijenjen zbog kriterija: „najniže cijene“ utvrđenom u Obavještenju o nabavci i Tenderskoj dokumentaciji.

	Naziv i sjedište ponuđača	Ukupna vrijednost ponude sa popustom bez PDV-a	Ukupna vrijednost ponude sa popustom sa PDV-om
1.	GUMA VP 200 d.o.o. Mostar	2.720,00 KM	3.182,40 KM

Na osnovu naprijed navedenog, primjenom člana 64. stav (1) tačka b) Zakona o javnim nabavkama, odlučeno je kao u članu 1. ove Odluke.

POUKA O PRAVNOM LIJEKU:

Protiv ove Odluke može se izjaviti žalba Ugovornom organu, najkasnije u roku od 5 (pet) dana od dana prijema ove Odluke.

Dostaviti:

- Ponuđačima,
- Sektoru za opšte, pravne i finansijsko-materijalne poslove,
- a/a.

